

Yizcough: Banh Goepingj Langhbaij Angqcoux Gaijgwz Hailangh 40 Hopbi Caeuq Swcigih Laebbaenz 60 Hopbi

12 nyied 6 hauh banhaet, Hozciz Si Yizcough Gih youq Siminz Vwnzva Gunghyenz banh aen goepingj langhbaij cawjdaez dwg angqcoux gaijgwz hailangh 40 hopbi caeuq Swcigih laebbaenz 60 hopbi, langhbaij le 120 fuk siengq goepingj, yinx haujlai siminz daengx roengzdaej yawj.

Yizcough Gih banh mbat langhbaij gij siengq goepingj vunzlaux neix, cujyau hopheux gij

cingzeik Yizcough Gih gunghyenz hwngfat, daegsaek nungzyez, singz mbanj gensez, vwnzva gensez, sonhag saehnieb daengj gak hangz gak nieb caeuq hong vutgungz gunggeng seizsei q moq lajde aeu ndaej haenx, langhyienj ok Yizcough gij funghgvangh gyaundeidei, lai cungj lai yiengh minzsuz fungcingz caeuq cwngzgoj hwngfat haenqhwd haenx.

(Bwz Lu/ 白璐)

► Vunzlai yawj gij mbawsiengq goepingj.



Baksaek: Langhbaij Minzcuz Vwnzva Angqhoh Swcigih Laebbaenz 60 Hopbi

12 nyied 9 hauh, Baksaek Si youq gyang si banh aen hozdung langhbaij cunz youz minzcuz vwnzva “Baksaek gyaundeidei • Mbanjcuengh lai saek”, ginzcung gak cuz daj aen si neix 12 aen yienh(si, gih) daej haenx ciengqgo diuqfoux, angqhoh swcigih laebbaenz 60 hopbi.

(Luz Gez/ 陆杰)



▲ Ndaw doz dwg doih-mozmez Yougyangh Gih cingq cunz youz langhbaij.

Denzyangz: Langhbaij Swjcan Hoh-fuk Swcigih Laebbaenz 60 Hopbi

12 nyied 9 hauh, Denzyangz Yen Denzcough Gujcwngz cujcz bouxyaez swjcan doxcomz youq ginggih, banh aen hozdung langhbaij swjcan angqhoh swcigih laebbaenz 60 hopbi, gyoengq mehmbwk ndang daenj gak cungj swjcan ndeiyawj, youq ginggih cunz youz.

(Vangz Gozsun/ 黄国顺)



▲ Ndaw doz dwg gyoengq mehmbwk cingq langhbaij swjcan.

Duh'anh Vunzlai Yienjheiq Vih Swcigih Laebbaenz 60 Hopbi Soengq Laex

Youq mwh daengx gih gwnz laj angqcoux swcigih laebbaenz 60 hopbi caeuq gaijgwz hailangh 40 hopbi, 12 nyied 6 hauh, Duh'anh Yauzcuz Swciyen Lahyinz Cin banh aen vanjvei dieg baihdoung gaiq daihroek vunzlai comz yienjheiq, vanjvei cawjdaez dwg “cinjing banggungz gyo' mbaij aencing dangj • dazfwngz haengguh baenaj seizdaih moq”. 1000 lai boux ganbu ginzcung daj Cinghswng Yangh, Bwzvang Cin, Lahlez Cin daengj daej haenx

yawjngonz yienjheiq.

Vanjvei yungh gij hingzsik gofoux, siujbinj, vaiqbanj daengj, danqhaenh aencingz aen dangj, gikfat gij cei qheiq haengguh ginzcung; saenqhwngh vwnzva gagsaenq, demgiengz gij rengz doxgap minzcuz doxgiet, langhbaij gij cingzyauq hong vut gungz gunggeng gungzhoj roxnyinh daengz gij gvansim caeuq raeujrub aen dangj caeuq cwngfuj.

(Hanz Ginhcinz/ 韩金秦)



◀ Ndaw doz dwg vanjvei vunzlai yienjheiq yienh-cienz.



▲ Gunghcwngz ganbu ginzcung cingq yawj densi cigbo.

Gunghcwngz Ganbu Ginzcung Yawj Aen Daihhoih Angqhoh Swcigih Laebbaenz 60 Hopbi Densi Cigbo

12 nyied 10 hauh, dwg ngoenz hungmbwk Gvangjsih Bouxcuengh Swcigih laebbaenz 60 hopbi, youq Gunghcwngz Yauzcuz Swciyen ganbu ginzcung cungj miz gij simcingz angqyangz gikdoengh, foenfoen naengh youq baihnaj densigih, yawjngonz Aen Daihhoih Swcigih Laebbaenz 60 Hopbi densi cigbo, biujdaz gij ndiepgyaez Gvangjsih, caemhcai q soengq gij hohfuk hawj Gvangjsih.

(Liengz Veih/ 梁辉)